

لمّا أنجلى غبار الحرب بالغازيّة  
بانّت على ذبج الهزيله الهاشميّة

أهوت على ابن أمها عزيزة داحي الباب  
من ظهر ناقتها أرتمت ذاهلها لمصاب  
تنظر لدمّه أيفور من نحره بلتراب  
منطحنه ضلوعه بحوافر خيل أميّه

امتدّت على طوله تشمّه بنفس ملهوب  
تتزقّر بصدّره وتنشده رد يمسلوب  
راسك قطيع وجسمك مجرّد ومصيوب  
مبتوره جفوفك بسيف ابن الدعيّه

باشيل عتّك يا أخويه وراسك أوياي  
جدّام عيني أعلى الرمح تحرس يتاماي  
عقبك صرت فرجه إلى الرايح وللجاي  
يا فرحة الشمّات من تضحك عليه

أعداك حولي والأوادم واقفه أصفوف  
والشمر يضربني بسوطه وعينك أتشوف  
لا حمي يمّي بس علي السجاد مجتوف  
تنزف زنوده وعبرته بصدّره جريّه

يا ريت وافاني الأجل بارض المدينه  
ولا جيت وادي كربلا بُهاي الظعينه  
ما بقت فيها أرجال بس نسوه حزينه  
ننقاد بيد أرجاس ما فيهم حميّه